

— 499 —

henket, der wart geben an dem ersten mentdage vor sant Ge-  
origen dage dez heiligen marterers, in dem iare, da man  
zalte von gotz gebürte, driehenhundert jare sechzig vnd sechß  
jare.

CCLXIV.

## Bundbrief der Stadt Endingen.

(3. Mai 1566.)

Wir der richter, der rat, die burger, vnd die gemeinde  
gemeinlich der stette ze Endingen, tuon kunt allen den,  
die disen brief sehent oder hörent lesen. Daß wir mit der  
edeln vnser gnedigen herren, herr Johans vnd jung-  
her Hessen herren von Usenberg gebrüdere gnst,  
wissen vnd willen, vns verbunden hant mit vnseren geswo-  
ren eiden, die wir darumb getan hant mit vngehepten han-  
den, gelert gegen den heiligen, zuo den vesten wisen, dem  
rat, den burgern vnd der gemeinde der stat ze Friburg  
in Brisgöwe, hinnant vnz ze sant Johans tag des tof-  
fers, ze sungihten, vnd dannant hin vier ganzer iar die  
nehesten nach einander, vnd hant inen bi denselben vnsern  
geswornen eiden gelopt vnd geloben inen mit disem gegen-  
wertigen brief für vns vnd für vnser nachkemen, daß wir  
inen in dem vorgeanten zil geratten vnd behelffen söllent  
sin, mit lib vnd mit guot, vnd mit gezege, vnd daß wir  
inen das vorgeante zil mit der stat ze Endingen helffen  
vnd warten söllen, vnd si vnd die iren in dieselbe stat vß  
vnd in lassen zuo allen iren sachen, vnd in allen iren frie-  
gen mit lüzgel vnd mit vil, vngesarlich wie vnd wenne si  
des bedörfent oder begerendt sint, recht als der rat ze Fri-  
burg, oder der merteil des rates erkennen, wie wir inen  
helffen, vnd was wir inen tuon söllen, daß söllent wir inen  
gehorsam sin, vnd das tuon bi vnseren geswornen eiden,  
ane geuerde. Vnd ist ze wissen, daß in dirre byntnisse vß-  
genommen vnd vorbehept sint, der vorgeanten vnserere herr-